

# MB: Ampangan

## Tembeling

Bahan asal dari Arkib  
Negara Malaysia

# belum muktamad

**HULU TEMBELING, Selasa** — Kerajaan masih belum membuat keputusan mengenai rancangan pembinaan projek Ampangan Tembeling, demikian ditegaskan oleh Menteri Besar, Datuk Najib Tun Razak.

Bellau berkata, projek besar seperti itu perlu mendapat restu Kerajaan Negeri sekalipun Kerajaan Persekutuan berkehendakkan projek itu dilaksanakan semata-

mata dipandang dari keperluan tenaga untuk negara.

Katanya, kalau dipandang dari bekalan tenaga memang tidak dapat dinafikan bahawa ampangan itu memberi sumber amat besar kepada pengeluaran janakuasa elektrik bagi faedah pembangunan negara khasnya dan Pahang amnya.

Di samping itu, Datuk Najib berkata sebagai sebuah Kerajaan Negeri beliau juga bertanggungjawab kepada penduduk Hulu Tembeling seramai 3,100 orang itu.

Katanya, Kerajaan Negeri akan menimbang dengan teliti dan mengkaji terutama masa depan penduduk di sini sama ada Ampangan Tembeling mendatangkan mudarat atau sebaliknya memberi masa depan yang cerah.

Bellau yang melawat Mukim Hulu Tembeling dua hari memberitahu para penduduk di Kampung Bantal kelmarin, Kerajaan Negeri turut mengkaji soal-soal gantirugi, pampasan dan se-

muanya ini akan dihalusi jika Kerajaan mendapati projek itu perlu dilaksanakan.

Bellau memberi jaminan akan meletakkan kepentingan penduduk mukim tersebut dalam pertimbangan Kerajaan Negeri.

Katanya, Kerajaan Negeri meminta Lembaga Letrik Negara (LLN) membuat kajian mengenai kesannya terhadap alam sekitar jika kawasan 61,702 ekar ditenggelami air.

Jika ampangan itu dilaksanakan selain dari kawasan yang tenggelam itu termasuk 32,500 ekar dari kawasan Taman Negara, sebanyak 24 buah kampung Melayu yang berpenduduk 3,100 orang terpaksa dipindahkan.

Datuk Najib berkata Kerajaan Negeri juga akan mengkaji apakah peluang-peluang lain yang terbuka atau mengolahkan pembangunan projek itu supaya ia tidak menjejaskan penduduk.

Kemungkinan menggunakan tenaga murah seperti gas atau membina ampangan di Sungai Tekai yang tidak melibatkan pemindahan penduduk juga perlu dikaji.

"Semua ini dalam kajian Kerajaan Negeri dan agensi-agensi Kerajaan Pusat," jelas Datuk Najib.

Bellau menasihatkan para penduduk di sini supaya jangan mengangap rancangan projek itu sebagai satu kenyataan.